

四明叢書

張宗祥



馮侍郎遺書附錄目錄

卷一

傳記

高宇泰雪交亭正氣錄傳

光緒慈谿縣志傳

遺事

黃忠義日本乞師記

黃忠義四明山寨記

周容浮光杯記

卷二

酬贈詩

劉宗周用韻寄懷馮躋仲兼呈留僊津撫

董德偁步劉念臺先生韻贈馮躋仲

吳應箕馮躋仲京第寓戶部園郭孟白萬程招

同涂石丈世琳移尊亭上

吳應箕花枝詞爲馮躋仲納姬作

黃宗羲憶舊事

黃宗羲紅葉本事詩

七首之一

張煌言送黃金吾馮侍郎乞師日本

全吾騏日本乞師使者返棹四首

董守諭庚寅十一月十四日哭馮躋仲社兄十

首

有序

董德偁和不了道人哭簞溪子八首

李文纘哭簞溪子和次公韻十首

萬泰哭簞溪

有序

徐孚遠哭馮躋仲

張煌言輓馮躋仲侍郎

高字泰哭馬躋仲詩四首

有序

黃宗義三月十四夜夢萬履安及亡友陸文虎

馬躋仲

馮愷愈榕堂漫識

八首之一

全祖望甬上擬薤露詞

浮光杯

蔣坦擬明末溪上十三忠樂府和從伯炯作

有序

序

董守諭五哀詩之一

馮司馬妻葉氏

全祖望甬上擬薤露詞

相公裙

酬贈文

陳宏緒與馮躋仲

卷三

簞溪府君著作存佚考

馮侍郎遺書附錄卷一

九世族孫貞羣編

傳記

雪交亭正氣錄傳

鄞高宇泰元發

馮京第字躋仲慈谿諸生博學閱覽居平好談經濟國
難後入閩上中興十二論隆武帝召見大奇之授職方
主事改御史視師浙東至衢而虜兵渡錢塘公乃之舟
山與肅虜伯謀爲興復策多不合意怏怏從張名振至
崇明應吳勝兆爲颶風所漂僅以身免乃從安昌王乞

師日本舟中且拜且哭旬有餘日卒致其血書日本人爲之色動然其師竟不出丁亥十二月初四又從攻寧波不克於是去舟山至吳興聚眾數千亡何又敗又渡錢塘入四明山中依王翊翊以兵付之京第倚山爲城立老寨於杜輿練兵數月頗有可觀而督撫蕭起元下令教團練逕攻破杜輿團練從而犄角之積兵甲數屋盡爲所得翊走天台京第匿民舍以免明年翊兵復盛京第亦收拾殘卒自爲部京第自負經濟然欲以承平體待其士卒不爲人所附故往往致敗監國在舟山授

副都御史升兵部右侍郎虜先繫其家屬母尹氏徙燕
妻葉氏自縊子頌年十五斬於市妾二沒入官營爲妓
建義受禍之慘未有若京第者也虜兵破四明山寨購
京第甚急其將王昇降附欲致京第爲功謂□□之曰
馮侍郎人莫知其處獨昇知之耳引騎往得之鶴頂山
中京第已病甚固山金礪以攻山寨駐寧波京第見之
不肯跪田雄在側掠之仆地明日遇害時十二月十四
日也未幾昇亦殺

貞羣案此下有與吳霞舟書小雪日集微詠樓

宗忠簡公墓諸作編入集中不錄

槩菴曰日本乞師其謀始於周崔芝芝少時往來日本以善射名父事撒斯瑪撒斯瑪者日本一島之主也黃斌卿之至舟山崔芝以都督領水師乙酉冬告哀撒斯瑪願假一旅以助恢復撒斯瑪許之許助兵三萬軍需戰艦一切不資中國俟芝自往受約於是芝益市錦繡珠玉奇物與斌卿合謀將以丙戌四月十一日東行而兵部尙書余煌寓書斌卿以叛將吳三桂之用虜爲戒斌卿遂阻芝芝怒而入閩其明年監國封芝爲平夷伯

於是芝復理前約日本待芝不至其意寢衰所遣使又多商賈不能得其要領故日本之師不出及定西侯名振應吳勝兆之謀馮躋仲同往至崇明遇海嘯喪其軍殆盡於是躋仲同安昌王至日本乞師先是歐羅巴國欲行其教於日本其教務排釋氏中國之所謂西學也日本倭佛乃殺歐羅巴之行教者歐羅巴精火器所發能摧數十里舉國仇日本駕大船置火器向其城擊之日本謝罪大船始退退一日而躋仲至長崎島日本新遭外國之侮聞外國人至一切不聽登陸躋仲遙望而

哭晝夜不絕會日本之巡方者過長崎收血書達其國
主躋仲還舟山而使斌卿之弟孝卿從商舶待命孝卿
出入妓館不爲所禮遂不出師日本初用洪武錢後鑄
其國年號而不敢銷毀藏之庫乃助孝卿爲軍需舟山
始行洪武錢

光緒慈谿縣志傳

馮京第字躋仲號簞溪少負高才下筆數千言內承諸
父元颺元颺教師事山陰劉宗周漳浦黃道周與於復
社元颺撫天津有祥子嶺

按地在密雲縣縣志本明
史及一統志作嶺子嶺卻

敵功京第與焉毅宗錄之未用唐王稱制閩中京第上

中興恢復十二輪授職方主事改監察御史

梅東逸史
生崇禎十

三年進士誤又云授行人改禮部主事福王立以原官
召未赴南都亡杭州繼陷乃從里人沈宸奎等起義紹
興監國按浙東南至浙東陷閩隨亡京第將起兵於家

為大兵所捕脫身入翁洲就威虜侯黃斌卿時大兵定

江南吳中豪傑猶出沒太湖以翁洲為外援故兵部尚

書陳子龍輩說松江提督吳勝兆歸南而以帛書乞翁

洲應之斌卿志在自守不欲往富平將軍張名振與京

第善京第勸之行至崇明颶風覆舟盡喪其軍京第等

皆就執中途得脫歸翁洲平夷侯周霍芝少時往來日本與撒斯瑪王善日本三十六島各有王國王以大將軍總制各島撒斯瑪於諸島中最強霍芝時以水軍都督副斌卿守翁洲因撒斯瑪王乞師於大將軍許之斌卿使其弟孝卿副京第往日本成約至長崎不聽登陸京第於舟中朝服拜且哭凡十有餘日會國王遣人巡境見之取京第血書以去

句餘土音注簞溪侍郎再乞師日本望島而哭淚盡繼之

以血日本人見者爲之傷感不忍去

撒斯瑪王聞長崎拒京第曰中國喪

亂我不能援而使其臣哭於吾境不亦恥乎直於大將

軍議發各島罪人以應京第先還

餘姚縣志朱之瑜與京第偕行至長崎許

發罪人三千京第先還已而事不行之瑜遂留

留孝卿俟命長崎多官妓孝卿

日夕酣淫見輕於其國但致洪武鵝眼錢數十萬報聘

洪武錢者日本於明初入貢所鑄後用本國年號鑄錢

遂封其錢於庫至是以充幣京第乞師不得責斌卿令

以奇兵西略寧紹台三府會鄞評事董志寧職方華夏

以帛書通侍御李長祥職方王翊而乞師翁洲京第大

喜強斌卿以師入先一日降紳謝三賓發其事城中有

備長祥翊志寧俱亡去夏等死之時太湖尚未靖京第

乃之湖州起兵武康天目山中擾歸安烏程諸縣屢敗

復歸募兵谿上與翊合軍守杜隩

全祖望撰張侍郎夢錫哀詞江上失守山

寨大起其時先後立營者曰馮家軍則簞溪京第大兵也曰王家軍則篤庵翊也○時夢錫與京第合軍

以團練軍破之翊走天台戊子冬翊以天台之援至復

與京第合軍杜隩

南疆鐸史翊以四百餘人亡入天台依威遠將軍俞國望京第匿民舍久

之翊謂部下曰官兵非團練爲導則山形險惡未易窺也乃由天台至四明擊散鄉眾之團練者兼旬中隨道收合得萬餘人京第亦出己丑春再破上虞走其知縣得其印明年監國自閩中至健

跳晉京第都察院右僉都御史是冬僧湛微自日本來

言於蕩胡伯阮進曰得普陀山寺慈聖李太后所賜藏

經爲聘日本師可得也進以告名振時名振以定西侯
當國乃合疏請召京第爲使以澄波將軍阮美副之國
王聞之大喜已而知湛微偕來則怒初湛微在長崎狡
獍自尊大以其爲中國人也逐之日本法不殺中國僧
有犯則逐再犯則戮及同舟美欲殺湛微京第曰此中
原之不幸也乃放諸荒島載經還復與翊合師西山回
風洞中浙中拘京第家屬以招之不至將羈其家屬於
京京第母尹年高妻葉勸尹自裁毫不省葉夜半縊錄
其子頌京第仍不至尹徙燕道死得京第妾令作書招